



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber Theologiæ Moralis, Viginti Qvatvor Societatis Iesv Doctoribvs Reseratvs

Escobar y Mendoza, Antonio de

Lvgdvni, 1659

VII. Peccata Mortalia Regiminis Urbium.

urn:nbn:de:hbz:466:1-41066

fectui, eo reiecto, cui ex iustitia toga debebatur: cum scandalo foui Nationum discordias: alicuius prouocavi, ut contrariis, eorumque patronis iniustitiam inferrent: aliquid contra iuramentum praestitum gessi, aut contra statutum poenam: elegi ad togam indignum planè: in animi preparatione adfui, ut vouerem contra aduersae ditionis votum iustum, vel iniustum: curavi fieri statuta bono communi aduersantia ob commoditatem propriam: Capellæ secreta contra iuramentum aperui *toties.*

§. 2.
Magi-
strorum.

25. *Quid si Magisterio fruuntur?* Docturus alios nimis me desidem exhibui circa literarum studium, unde graue discipulis damnum obortum: in discipulorum conspectu scandalosè degi, prauis quidem actionibus meis in discipulorum effrenationem influentibus *toties.*

§. 3.
Scolasti-
corum.

Quandònam Scholasticus grauitè delinquit? Cùm iuramento discursus alterius aut falsò, aut non cum bona fide confirmaui: postquam fui matriculæ addictus, iuramento exhibito Rectori non obtemperavi, cum sub poena praestitum imperaret: omnino ab studio recessi paternorum bonorum dissipator: suffragium vendidi iustum: iniuste suffragium adhibui non merito, aut merito quidem, sed plus merito relicto oppositore *toties.*

CAPVT VII.

De Peccatis grauibz Regiminis Vrbiunz.

§. I.
Magi-
stratum
praxis.

26. *Quanam sunt grauia Pratoris, aut Magistratus criminalis?* Publica officia sine auctoritate vendidi: magna munera à ministris Reipublicæ accepi: indignis officia publica in damnum commune contuli: deses nimium fui circa ministrorum correctionem, ne iniustitia pauperibus inferretur: non precaui aut assistentia, aut commissione, ne officinis publicis scandala, rixæ, homicidia exorirentur: pretia ciborum non moderaui, aut corruptos cibos non reprobauit graue quidem damnum illaturos: carcerem non inuisi, ut grauis vexatio vincit non adderetur ob lucrum Praepositi, peccataque propulsarentur, ablegatis mulierculis, &c. Omisi etiam inuisere publica hospitia, ubi mulieres profligatæ assolent habitationem grauisimo incommodo collocare: ex Vrbe non deturbauit vagos inferentes Reipublicæ nocumentum: peccata

cara publica non puniui, ludos prohibitos non propulsaui: non consului utilitati pauperum, dum ^{non} curaravi milites iuste distribui ita inter ciues, vt pauperes leuamine donarentur: die festo actum iudicarium feci, pietate, aut necessitate minime cogente: pœnam ciuilem, aut criminalem, quam debebam imponere, prætermisi: contra iuramentum aliquid graue præstiti, aut omisi: in senatu non repressi eos, qui propria passioni, non iustitiæ suffragabantur; nec prohibui senatores propriis Urbium vtentes, vexantes pauperes, à publicis horreis frumentum auferentes, aut soluentes debitoribus: haud curavi horrei publici triticum pauperibus distribui: aut eos, graui oborto incommodo, non breui temporis interstitio iudicatos emisi; non repressi, aut puniui famulos, seu ministros, qui vel ingressum ad tribunal vendunt litiganti: Ad-uocatum egi ipsa in causa, cuius fui iudex: reum interrogauit quod non poteram, nec reus debebat respondere: graui dubio oppressus doctos non adij: assessorem adhibui sine graui causa litigantium expensis: prætextu matrimonij exquirendi, sceminam ad domum propriam, ad vsum prauum adduxi, seu ad illius domum diueri: in sententia ferenda aliquam ambiguam clausulam consultò adieci, vnde graue incommodum alicui prouenit *toties*.

27. *Quosnam Senatores reos grauis criminis æstimas?* Graues ciuitatis leges nec calleo, nec custodio: ad Curiam Re- §. 2.
giam ad negotia mihi & Reipublicæ communia contra *Senato-*
rit. 3. lib. 7. rec. p. Reipublicæ expensis me contuli: curam ris.
defensionis communi non impendi, vim potentium non frangens, cum possem; vnde graua Vrbi incommoda obuenerunt, suffragium dedi iustitiæ grauiter nocenti: Officia publica graui nocimento oborto, indignis exhiberi curavi: cum tenerer, publica crimina abolere neglexi: consultò à Senatu abfui, cum Reipublicæ causa gereretur, ob huiusmodi quidem absentiam graui malo exorto: communibus in distributionibus sumptuum, aut gabellarum æquitatem non seruaui, grauiter hos aggrauans, vti illos possem subleuare: Reipublicæ bona in graui quantitate vsurpauit, retinuit: cum ex officio deberem, non curavi de ponderum, de mensurarum æquitate: pretium accepi pro publicorum munerum assignatione, cum gratis deberem idoneos Reipublicæ ministros addicere: in suffragiis proferendis iniustam in re graui causam defendi, quia aduersarius Senator contrarium assererat: Magistratum impediui, ne flagitiosos supplicio afficeret, graui inde damno excitato: effeci, aut permisi meos

famulos potiores forti cibos emere, ut carius vendant, quam emptores a primo vendente acciperent: Senatus arcanum re in graui violari non fugi, unde rursus Senatores non audent liberè suam mentem depromere: accepta ad emendum triticum pecunia, non emi: aut ex horreo publico triticum abstuli, nec restitui, cum pauperibus necessarium esset: elemosynas publicas pauperibus veris non erogavi, sed famulis, aut consanguineis haud pauperie laborantibus: crimine venatorum, aut aliorum officialium grauia quidem dissimulaui, ut gratos mihi tributarios haberem: cum consanguinei, aut amici causa iniusta in Senatu geritur, consultò a congregatione abstinui, ne contradicere coger: munia onerosa iis iungi curavi: quos odio prosequer: emi publici muneris occasione pretio minori, quam æquum erat, & maiori vendidi: reges prohibitis pascuis introduxi, graui damno oborto: aliis propria onera, aut propinquorum graui iniuria imposui *toties.*

§. 3. *Scriba* 28. *Quando delinquit mortaliter Scriba senatus?* Iuramentum de munere rectè gerendo, arcanòque custodiendo violauit: plus pretij graui soluentium incommodo acquisiuit, quam ex taxa debebatur: ignorauit constitutiones capitulares, regalia instrumenta bonæ negotiorum expeditioni necessaria: mea incuria, seu iniquitate regij reditus, aut Reipublicæ grauiter imminuuntur, cum traduntur emptoribus: suppressi petitiones inimici, graui damno secuto, ut perlegat amici codicillum: tributarium aliquem aboleui à matricula, regij iniuria patrimonij: non curavi, ut transgressores Constitutionum punirentur, quia amici, aut propinqui: constitutiones quidem operiendo, quas manifestavi, ut inimici supplicio afficerentur *toties.*

CAPVT VIII.

De Peccatis Mortalibus quorundam Ministeriorum Reipublicæ.

§. 1. *Tutoris* 29. *Utrum graua expendi peccata.* In re graui iuramentum factum violauit: inuentarium non illico bonorum pupilli construxi, graui damno accedente: dedi pupillo plus nummorum, quam ad recreationem iustam opus erat, sine iudicis auctoritate graui patrimonij iniuria: non curavi pupillum bonis moribus educari: decimam accipiens, debito